

ЗАСГИЙН ГАЗРЫН 2016-2020 ОНЫ ҮЙЛ АЖИЛЛАГААНЫ ХӨТӨЛБӨРИЙГ ХЭРЭГЖҮҮЛЭХ АРГА ХЭМЖЭЭНИЙ ТӨЛӨВЛӨГӨӨНД УУЛ УУРХАЙ, ХҮНД ҮЙЛДВЭРИЙН ЯАМНЫ ЭРХЛЭХ АСУУДЛААР ТУСГАГДСАН ЗОРИЛТ, АРГА ХЭМЖЭЭНИЙ БИЕЛЭЛТИЙН ЯВЦАД 2017 ОНЫ ЖИЛИЙН ЭЦСИЙН БАЙДЛААР ХИЙСЭН ХЯНАЛТ-ШИНЖИЛГЭЭ, ҮНЭЛГЭЭНИЙ ТАНИЛЦУУЛГА

2018 оны 01 дүгээр сарын 18

Нэг. Хяналт-шинжилгээ, үнэлгээний зорилго.

Хяналт-шинжилгээ, үнэлгээний зорилго нь Засгийн газрын 2016-2020 оны үйл ажиллагааны хөтөлбөрийг хэрэгжүүлэх арга хэмжээний төлөвлөгөөнд салбарын асуудлаар тусгагдсан зорилт, арга хэмжээний хэрэгжилтийн явцад хяналт-шинжилгээ хийж, үйл ажиллагааны гүйцэтгэлийг тухайн жилд тавьсан зорилтыг хүрэх түвшинтэй нь харьцуулан, хэрэгжилтийн түвшинг тогтоох, үр дүнг үнэлэх, зөвлөмж, дүгнэлт гаргах, яамны удирдлагыг бодит мэдээллээр хангах, цаашид төлөвлөсөн зорилтыг бүрэн биелүүлэхэд дэмжлэг үзүүлэхэд оршино.

Хоёр. Хяналт-шинжилгээ, үнэлгээний арга зүй.

Хяналтад авсан зорилт, арга хэмжээнүүдийн хэрэгжилтийн явцад хяналт-шинжилгээ, үнэлгээг хийхдээ Засгийн газрын 2017 оны 89 дүгээр тогтоолоор батлагдсан “Бодлогын баримт бичгийн хэрэгжилт, байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-ыг удирдлага болгов.

Хяналт-шинжилгээ, үнэлгээг Засгийн газрын 2016-2020 оны үйл ажиллагааны хөтөлбөрийг хэрэгжүүлэх арга хэмжээний төлөвлөгөөнд яамны эрхлэх асуудлаар тусгагдсан зорилт, арга хэмжээний хэрэгжилтийн 2017 оны жилийн эцсийн тайлан, Ашигт малтмал, газрын тосны газраас гаргадаг статистик мэдээллийн эмхтгэл болон бодлогын газруудын үйл ажиллагааны төлөвлөгөөний жилийн эцсийн биелэлтэд үндэслэн гүйцэтгэв.

Төлөвлөсөн арга хэмжээ бүрийн тухайн онд хэрэгжүүлсэн ажлын бодит үр дүнг мөн оны хүрэх түвшинтэй харьцуулан биелэлтийг хувиар тодорхойлж үнэлгээг гаргав.

Гурав. Хяналт-шинжилгээ, үнэлгээний үр дүн.

Засгийн газрын 2016 оны 121 дүгээр тогтоолоор батлагдсан Монгол Улсын Засгийн газрын 2016-2020 оны үйл ажиллагааны хөтөлбөрийг хэрэгжүүлэх арга хэмжээний төлөвлөгөөнд Уул уурхай, хүнд үйлдвэрийн сайдын эрхлэх асуудлаар тусгагдсан 36 зорилтын 105 арга хэмжээ, үүнээс 76 арга хэмжээг толгойлон, 28 арга хэмжээг хамтран, 1 арга хэмжээг оролцогчоор хэрэгжүүлэхээр тусгагдсаныг хяналтанд авч сайдын 2017 оны А/22 дугаар тушаалаар батлуулан хэрэгжилтийг ханган ажиллаж байна.

Жилийн эцсийн үнэлгээг Засгийн газрын Хэрэг эрхлэх газрын Хяналт-шинжилгээ, үнэлгээний unelgee.gov.mn цахим системд байршуулсан 28 зорилтын 85 арга хэмжээний хүрээнд хийлээ.

Биелэлт гаргаж ирүүлсэн 85 арга хэмжээнээс 65 арга хэмжээг яам толгойлон, 20 арга хэмжээг бусад байгууллагатай хамтран хэрэгжүүлжээ.

Арга хэмжээнүүдийн биелэлтийг бодлогын зорилтоор нь авч үзвэл Эдийн засгийн хүндрэлийг даван туулах онцгой бодлогын хүрээний 1 зорилтын 3 арга хэмжээний биелэлт 60.0 хувь, Эдийн засгийн тогтвортой өсөлтийг хангах бодлогын хүрээний 22 зорилтын 73 арга хэмжээний биелэлт 69,5 хувь, Нийгмийн бодлогын хүрээний 1 зорилтын 1 арга хэмжээний биелэлтэд үнэлгээ өгөөгүй, Байгаль орчин, ногоон хөгжлийн бодлогын 4 зорилтын 8 арга хэмжээний биелэлт 60,0 хувь, хэрэгжүүлсэн нийт 85 арга хэмжээний биелэлтийг 68,4 хувьтай дүгнэлээ.

**ЗАСГИЙН ГАЗРЫН 2016-2020 ОНЫ ҮЙЛ АЖИЛЛАГААНЫ ХӨТӨЛБӨРИЙГ
ХЭРЭГЖҮҮЛЭХ АРГА ХЭМЖЭЭНИЙ ТӨЛӨВЛӨГӨӨНД ТУСГАГДСАН ЗОРИЛТ,
АРГА ХЭМЖЭЭНИЙ ЯВЦЫН ҮНЭЛГЭЭНИЙ ТОВЧОО**
/2017 оны жилийн эцэс/

Зорилт	Зорилтын тоо	Арга хэмжээний тоо	Хэрэгжилтийн хувь, арга хэмжээний тоо					Хэрэгжилт /хувь/
			100	70	40	0	/-/	
Нэг. Эдийн засгийн хүндрэлийг даван туулах онцгой бодлого	1	3		2	1			60,0
Хоёр. Эдийн засгийн тогтвортой өсөлтийг хангах бодлого	22	73	19	27	20		7	69,5
Гурав. Нийгмийн бодлого	1	1					1	/-/
Дөрөв. Байгаль орчин, ногоон хөгжлийн бодлого	4	8		4	2		2	60,0
Дүн	28	85	19	33	23		10	68,4

Үйл ажиллагааны төлөвлөгөөнд тусгагдсан арга хэмжээний биелэлтийг хэрэгжүүлэх он тус бүрээр үзүүлэв.

Хэрэгжүүлэх он	Арга хэмжээний тоо	Хэрэгжилтийн дундаж, %	
		2017 хагас жил	2017 жилийн эцэс
2017	13	64,0	65,0
2016-2017	15	76,9	87,1
2016-2018	2	40,0	40,0
2016-2019	5	40,0	52,0
2016-2020	29	54,3	68,8
2017-2018	7	52,8	70,0
2017-2020	14	33,0	56,3

Хөтөлбөрийг хэрэгжүүлэх арга хэмжээний төлөвлөгөөнд тусгагдсан дараах арга хэмжээний биелэлтэд 100 хувийн үнэлгээг өгөв. Үүнд:

- 2.48.6. “Үйлдвэржилт 21:100” хөтөлбөрийг боловсруулан батлуулах
- 2.61.4. Эдийн засгийн үр ашигтай төслүүдийг хэрэгжүүлэхэд дэмжлэг үзүүлэх
- 2.62.1. Ашигт малтмалын тусгай зөвшөөрөл олгох үйл ажиллагааг хялбаршуулах талаар судалгаа хийж, хэрэглэгчдэд ойлгомжтой байдлаар тусгай зөвшөөрөл олгох, мэдээллийг ил тод, нээлттэй түгээх аргачлалын санал боловсруулах
- 2.63.4. Газрын тосны ордын ашиглалтыг эрчимжүүлж, олборлолтыг урт хугацаанд тогтвортой хадгалж, боломжит хэмжээгээр нэмэгдүүлэх
- 2.63.7. Газрын тосны борлуулалттай холбогдсон гэрээ, хэлцлүүдийг хийж, үнэ болон худалдааны таатай нөхцөлийг бүрдүүлэх
- 2.64.1. “Бичил уурхайгаар ашигт малтмал олборлох журам”-ыг шинэчлэн боловсруулах,
- 2.67.1. Тухайн үйлдвэрийн технологиор ашиглах боломжгүй овоолго, хаягдлын аж ахуйг эргүүлэн ашиглах эрх зүйн орчныг бүрдүүлэх,
- 2.68.1. Алт-2” хөтөлбөрийн санхүүжилтийн тооцоог гаргах
- 2.68.2. Санхүүжилтийн тооцоог Монгол банкинд хүргүүлж шийдвэрлүүлэх
- 2.69.1. "Алт-2" хөтөлбөрийг боловсруулан батлуулах,
- 2.69.3. Алтны геологийн судалгаа, эрэл-үнэлгээ, хайгуулын ажлыг хэмжээг өсгөн нөөцийг тогтвортой нэмэгдүүлэх
- 2.69.4. Сорьцын хяналтын албаны чадавхийг бэхжүүлж, техник технологийг шинэчлэх

- 2.70.1. Газрын тос боловсруулах үйлдвэр барих төслийн нэгж байгуулах, үйлдвэрийн дэд бүтцийн нарийвчилсан судалгаа, үйлдвэр болон дамжуулах хоолойн газрын асуудлыг шийдвэрлэх,
- 2.70.2. Төслийн санхүүжилт, хөрөнгө оруулалт, хувь эзэмшлийн хэмжээний талаар санал боловсруулах, холбогдох шийдвэрийг гаргуулах, төсөл хэрэгжүүлэх хуулийн этгээдийг сонгон шалгаруулах бэлтгэлийг хангах,
- 2.72.2. Давтах аргаар ган бөмбөлөг үйлдвэрлэх цехийг ашиглалтад оруулах,
- 2.73.1. Нүүрснээс нийлэг байгалийн хий үйлдвэрлэх үйлдвэр байгуулах төслийн нэгж байгуулах,
- 2.73.2. Дэлхийн банкны санхүүжилтээр боловсруулагдсан нүүрснээс нийлэг байгалийн хий үйлдвэрлэх үйлдвэрийн урьдчилсан ТЭЗҮ-ийг хүлээж авах,
- 2.73.3. Нүүрснээс нийлэг байгалийн хий үйлдвэрлэх үйлдвэрийн нарийвчилсан ТЭЗҮ болон БОННУ-г Хүнд үйлдвэрийн шинжлэх ухаан технологийн зөвлөлөөр хэлэлцүүлэх,
- 2.75.2. Ачааны автомашин, нийтийн тээвэр, хөдөө, аж ахуйн машин, механизмыг угсрах үйлдвэрлэлийн эрх зүйн орчныг боловсронгуй болгох.

Үндсэн хэрэгжүүлэгч байгууллагаас хамтран ажиллах санал ирүүлээгүй, яамны зүгээс тодорхой хийгдсэн ажлын биелэлтгүй 10 арга хэмжээ байна. Үүнд:

Яам толгойлон хэрэгжүүлэх 3 арга хэмжээний хэрэгжих хугацаа болоогүй тул үнэлгээ өгөөгүй.

- 2.65.2. Уул уурхайн дэд бүтцийн хөгжлийн урт хугацааны төлөвлөлтийг хэрэгжүүлэхэд салбар хоорондын уялдаа холбоог хангах, /УУБГ/
- 2.70.4. Газрын тос боловсруулах үйлдвэрийн барилгын ажлыг гүйцэтгэж, үйлдвэрийг хүлээн авч ашиглалтад оруулах, /ХҮБГ/
- 2.71.3. Зэсийн баяжмал хайлуулах, цэвэршүүлэх үйлдвэр байгуулж, ашиглалтад оруулах, /ХҮБГ/

Бусад байгууллага хариуцан хэрэгжүүлэх 7 арга хэмжээнд үнэлгээ өгөөгүй:

- 2.48. 7. "Үйлдвэржилт 21:100" хөтөлбөрийг хэрэгжүүлэх хүрээнд 21 аймагт 100 нэр төрлийн бүтээгдэхүүний үйлдвэр байгуулахад санхүү, эрх зүйн дэмжлэг үзүүлж ажиллах /ХХААХҮЯ/
- 2.59.10. Цацраг идэвхт ашигт малтмал болон газрын ховор элементийн хайгуул, геологийн судалгааны ажлыг гүйцэтгэх /АМГТГ, ЦЭКАА/
- 2.92.2. Хөрсний усыг үйлдвэрийн технологийн хэрэгцээнд ашиглах чиглэлээр судалгаа хийх /БХБЯ/
- 2.106.1. Метан хийн нөөцийг бүрдүүлэх болон салбарын хөгжлийг дэмжсэн бүтэц зохион байгуулалтыг бий болгох /ЭХЯ/
- 3.2.33.11. Шинжлэх ухаан, танин мэдэхүйн мэдээллийн төв байгуулах барилга, байгууламжийн дотоод зураг төсөл, үзүүлэн бэлтгэх, макет, үзвэрүүдийг хийх, тохижолт болон бусад арга хэмжээг зохион байгуулах /ЦЭКАА/
- 4.1.3.1. Байгаль орчны үнэлгээ, аудитаар дамжуулан ашиглагч нь байгаль орчныг хамгаалах, нөхөн сэргээх ажлыг эрчимжүүлэх /БОАЖЯ/
- 4.2.3.2. Ус ашиглалтыг бүрэн тоолууржуулж, хаягдал бохир усыг цэвэрлэж, дахин ашиглалтыг нэмэгдүүлэх ажлыг зохион байгуулах /БОАЖЯ/

Дөрөв. Дүгнэлт.

Яамны 2016-2017 онд хэрэгжүүлэхээр тусгагдсан 15 арга хэмжээний биелэлт 87,1%, 2017 онд хэрэгжүүлэхээр тусгагдсан 13 арга хэмжээний биелэлт 65,0%-тай байна.

Мөн 2017 онд хэрэгжүүлэх 13 арга хэмжээ, үүнээс яам толгойлон хэрэгжүүлсэн, Тавантолгойн ордыг иж бүрэн ашиглах төслийг боловсруулж, хэрэгжүүлэх, уурхайн дэд бүтцийн хөгжлийн урт хугацааны төлөвлөлтийн баримт бичиг боловсруулах, уул уурхайн судалгааны нэгж байгуулах талаар санал боловсруулах, холбогдох байгууллагад хүргүүлж

шийдвэрлүүлэх, нүүрс угаах, гүн боловсруулах үйлдвэрийн төслийн санхүүжилт, хөрөнгө оруулалт, хувь эзэмшлийн хэмжээний талаар санал боловсруулах, холбогдох шийдвэрийг гаргуулах зэрэг ажлууд удаашралтай байна.

Бусад байгууллагатай хамтран хэрэгжүүлэхээр тусгагдсан арга хэмжээний биелэлт гаргахад бэрхшээлтэй, тухайн асуудлаар санал авах, хамтран ажиллах талаар үндсэн хэрэгжүүлэгч байгууллагаас ханддаггүй бэрхшээл давтагдаж байна.

Засгийн газрын 2016-2020 оны үйл ажиллагааны хөтөлбөрийг хэрэгжүүлэх арга хэмжээний төлөвлөгөөнд тусгагдсан зорилт, арга хэмжээний ерөнхий гүйцэтгэл 2017 оны жилийн эцсийн байдлаар 68,4 хувьтай үнэллээ. Төлөвлөгдсөн арга хэмжээнээс 19 арга хэмжээ бүрэн хэрэгжсэн, 33 арга хэмжээ 70 хувь, 23 арга хэмжээ 40 хувийн тус тус хэрэгжилттэй, тасарсан арга хэмжээ байхгүй.

Тав. Зөвлөмж.

- Тайлант хугацаанд хэрэгжилт удаашралтай байгаа арга хэмжээний хэрэгжилтийг хангах, зорилтот түвшинд хүргэх, ажлын гүйцэтгэлийг эрчимжүүлэх.
- Бусад байгууллагатай хамтран хэрэгжүүлэхээр тусгагдсан арга хэмжээний биелэлт гаргахад бэрхшээлтэй, тухайн асуудлаар санал авах, хамтран ажиллах талаар үндсэн хэрэгжүүлэгч байгууллагаас ханддаггүй, яамнаас биелэлт гардаггүй бэрхшээл давтагдаж байгааг анхаарч яамны зүгээс бусад байгууллагатай хамтран ажиллах талаар идэвхи санаачлага гаргаж ажиллах.
- Төлөвлөгөөнд тусгагдсан зорилт, арга хэмжээний биелэлтийг тухайн жилд хүрэх түвшин, зарцуулсан хөрөнгийн хэмжээг төлөвлөгдсөн дүнтэй нь харьцуулан гаргаж байхад бодлогын газрууд анхаарч ажиллах шаардлагатай байна.

ЗГҮАХ-ийг хэрэгжүүлэх арга хэмжээний төлөвлөгөөний биелэлтэд хийсэн үнэлгээний тайланг хавсаргав.

ХЯНАЛТ-ШИНЖИЛГЭЭ, ҮНЭЛГЭЭ, ДОТООД АУДИТЫН ГАЗАР

2018/01/18